

緬甸瑞德宮佛塔 Shwe Dagon Pagoda

緬甸仰光大金塔佛塔 Shwedagon Pagoda，通稱「瑞德光塔」，瑞德宮位於緬甸仰光市（Rangoon）北部之塔。譯音稱瑞德宮（Shwe Dagon）佛塔，又稱仰光大金塔、大金瓦寺。塔名含有黃金瑞塔之意，為緬甸境內最大之塔。

根據《過去現在因果經》記錄：爾時有五百商人，二人為主，一名跋陀羅斯那(bhadrāsena 賢主)，二名跋陀羅梨(bhadrā lī --香料/小豆蔻)，行過曠野。時有天神，而語之言：『有如來·應供·正遍知·明行足·善逝·世間解·無上士·調御丈夫·天人師·佛·世尊，出興於世，最上福田，汝今宜應最前設供。』

時彼商人，聞天語已，即答之曰：『善哉！如告。』又問天言：『世尊今者為在何許？』天又報言：『世尊不久當來至此。』於是如來，與無量諸天，前後導從，到多調娑跋利村(taviṣavari--急流溪)。時彼商人，既見如來威相莊嚴，又見諸天前後圍繞，倍生歡喜；即以蜜麩，而奉上佛。

爾時世尊，心自思惟：『過去諸佛，用鉢多羅(Pātra 鉢)，而以盛食。』時四天王，知佛心念，各持一鉢，來至佛所，而以奉上。於是世尊，而自念言：『我今若受一王鉢者，餘王必當生於恨心。』即便普受四王之鉢，累置掌上，按令成一，使四際現。

爾時世尊，即便呪願：『今所布施，欲令食者，得充氣力；當令施者，得色得力，得膽得喜；安快無病，終保年壽；諸善鬼神，恒隨守護；飯食布施，斷三毒根，將來當獲三堅法報；聰明智慧，篤信佛法；在在所生，正見不昧；現世之中，父母妻子，親戚眷屬，皆悉熾盛，無諸災怪不吉祥事；門族之中，若有命過墮惡道者，當令以今所施之福還生人天，不起邪見，增進功德；常得奉近，諸佛如來；得聞妙說，見諦得證，所願具足。』

「爾時世尊，呪願訖已，即便受食。食既畢竟，澡漱洗鉢即授商人三歸：一歸依佛；二歸依法；三歸依將來僧；授三歸竟，因與之別，而便前行，威儀庠序，步若鵝王。路逢外道，名優波伽(upāka)，既見如來相好莊嚴，諸根寂定，歎為奇特，即說偈言：

『世間諸眾生，皆為三毒縛；諸根又輕躁，馳蕩於外境。而今見仁者，諸根極寂靜；必到解脫地，決定無有疑。仁者所學師，其姓字何等？』

爾時世尊以偈答曰：

『我今已超出，一切眾生表；微妙深遠法，我今已具知。三毒五欲境，永斷無餘習；如蓮花在水，不染濁水泥。自悟八正道，無師無等侶；以清淨智慧，降伏大力魔。今得成正覺，堪為天人師；身口意滿足，故號為牟尼。欲趣波羅柰，轉甘露法輪；是天人魔梵，所可不能轉。』

爾時優波伽聞此偈言，心生歡喜，歎未曾有；合掌恭敬，圍繞而去，迴顧瞻矚，不見乃止。

爾時世尊即復前行，次到阿闍波羅(ajāpāla--牧羊者)水側，日暮止宿，而便入定。當於爾時，七日風雨。時彼水中，有大龍王，名目真隣陀(Mucilinda)，見佛入定，即以其身圍繞七匝。滿七日已，時彼龍王，化為人形，頭面禮足。而白佛言：『世尊在此七日之中，不至乃甚患風雨耶？』爾時世尊以偈答曰：

『諸天及世人，所歡於五欲；比我禪定樂，不可為譬喻。』
時彼龍王，聞佛此偈，歡喜踊躍，頭面禮足，還歸所止。

【第七週間受緬甸商主供養】

《佛本行集經二商奉食品》云：爾時世尊。從羊子種樹林起已。安庠漸至一樹林下。彼樹林名差梨尼迦(隋言出乳汁林)。到彼林已。結加趺坐。經於七日。為欲受彼解脫樂故。爾時世尊。經七日後。正念正知。從三昧起。如是世尊。經七七日。以三昧力。相續而住。然彼善生村主之女。布施乳糜。一食已後更不別食。至今活命。

爾時彼處。從北天竺。有二商主。一名帝梨富娑(隋言胡瓜)。二名跋梨迦(隋言金挺)。彼二商主。有多智慧。心細意正。彼二商主。從中天竺依土所出。種種貨物。滿五百車。大得宜利。從中欲還北天竺國時彼路經差梨尼迦林外不遠。次第而行。彼等商主。別有一具調伏之牛。恒在先行。若前所有恐怖之處。而彼一具調善之牛。如打橛縛駝不肯行。

【護林神阻牛前進示供養佛】

爾時彼處差梨尼迦所護林神。彼神隱身。密捉持是二調牛。住不聽前過。彼二商主。各持優鉢羅花之莖。打二調牛。猶不肯行。其餘所駕五百車牛。皆不肯動。其諸車輪。並不復轉。其皮鞵索。悉皆自斷。其餘轆軸輻輳輻箱輞欄板鞅鞅勾心。或折或破。或碎或裂如是變怪種種不祥。

爾時帝梨跋梨迦等。心生恐怖。皆大憂惱。身諸毛孔。皆悉遍豎。各相謂言。我等今者值何怪禍。遇何災殃。各各去車兩三步地。頭戴十指合掌頂禮一切諸天。一切諸神。至心而住。作如是言。乞願我等今者所有災怪殃咎。恐怖早滅。安隱吉利。

爾時彼林所守護神。現白色身。慰勞彼等諸商主言。汝等商人。勿生恐怖。汝等此處。無一災禍。無一諸殃。不須怖畏。諸商主等。此處唯有如來世尊阿羅呵三藐三佛陀。初始成佛無上菩提。今日在此林內而住。但是如來。得道已來。經今足滿四十九日。未曾得食。汝等商主。今若知時。可共往詣向彼世尊多陀阿伽度阿羅呵三藐三佛陀所。最宜在前。將麩將酪蜜搏奉彼。汝等當得長夜安隱安樂大利。

時二商主。聞彼林神如是言已。即白神言。如神所教。我等不違。而彼二商。即各將麩酪蜜和搏。共諸商人。往詣佛所。既到彼已。時二商主。遙見世尊。可熹端正。世間無比。乃至猶如虛空眾星。莊嚴身體諸相。見已

心大敬重。清淨信向至世尊前。到已即便頂禮佛足。却住一面。時二商主。共白佛言。世尊。願為我等。受此清淨麩酪蜜搏。愍我等故。

【世尊知要用鉢食四天王供鉢】

爾時世尊。如是思惟。往昔一切諸佛世尊阿羅呵三藐三佛陀。悉皆受持鉢器以不。爾時世尊。內生知見。即知過去一切諸佛多陀阿伽度阿羅呵三藐三佛陀一切盡皆受持鉢器。是時世尊。復如是念。我今當以何器而受二商主食麩酪蜜搏。世尊欲受。發此心已。

時四天王。各從四方。速疾共持四金鉢器。往詣佛所。到已各各頂禮佛足。却住一面。而四天王。却住立已。將四金鉢。奉上世尊。作如是言。唯願世尊。用此鉢器。受二商主麩酪蜜搏。愍我等故。我等長夜當得大利大樂大安。世尊不受。以出家人不合畜此。彼四天王。捨四金鉢。將四銀鉢。奉上世尊。作如是言。世尊。可於此器受食。略說乃至。為我當得大利大安。世尊不受。如是更將四頗梨鉢。而亦不受。如是更將四琉璃鉢。而亦不受。如是更將四赤珠鉢。而亦不受。次復更將四瑪瑙鉢。而亦不受。次復更將四車璩鉢。奉上世尊。如來亦復不為其受。

【用石鉢食為如法】

爾時北方毘沙門王。告於諸餘三天王言。我念往昔。青色諸天。將四石器。來奉我等。白我等言。此石器內。仁等。可用受食而喫。

爾時別有一天子。名毘盧遮那(Vairocana)我等言。仁等天王。慎勿於此石器之內受食而喫。仁但受持相共供養。比之如塔。所以者何。當來有一如來出世。其如來號釋迦牟尼。仁等。宜將此四石鉢。奉彼如來。仁等天王。今是時至。可將石鉢持奉世尊。

爾時四鎮四大天王。各各皆將諸親眷屬圍遶。速至自宮殿中。各執石鉢。端正可喜。其色紺青。猶如雲隊。盛以天花著滿其內。將一切香。用塗彼鉢。復持一切諸妙音聲。供養彼鉢速詣佛所。到已共將四鉢奉佛。而白佛言。唯願世尊。受此石鉢。於此鉢內。受二商主麩酪蜜搏。愍我等故。各令我等長夜獲得大利安樂。

爾時世尊。復如是念。此四天王。以信淨心。奉我四鉢。我亦不合受持四鉢。若我今於一人邊受。則三人心。各各有恨。若二人邊。受於二鉢。二人心恨。若三人邊。受於三鉢。一人心恨。我今可總受此四鉢。出神通力。持作一鉢。

爾時世尊。從於提頭賴吒天王邊受鉢已。而說偈言。

施善世尊好鉢盂 汝決當成妙法器 既於我邊奉淨鉢 必增智慧正念心

爾時世尊。從於毘留勒叉天王邊受鉢已。而說偈言。

我觀真如誰施鉢 彼得正念增長心 有能養育世令安 速成妙樂清淨體

爾時世尊。從於毘留博叉天王邊受得鉢已。而說偈言。

汝以淨心施淨鉢 清淨實心奉如來 當來速得清淨心 人天世間得稱意

爾時世尊。從毘沙門大天王邊受於鉢已。而說偈言。

清淨持戒佛世尊 善伏諸根施全鉢 不缺壞心殷重施 汝當來世得淨田
爾時世尊。受四鉢已。如是次第相重安置。左手受已。右手按下。神通力
故。合成一鉢。外有四脣。而說偈言。

我昔功德諸果滿 以發哀愍清淨心 是故今四大天王 清淨牢固施我鉢
而有偈說。

當時世尊欲受食 諸天四方持器來 各以奉施佛如來 受已神通作一鉢

【二商主歸依三寶】

爾時世尊。於新淨潔天施鉢內。從彼北天帝梨富娑并跋梨迦(前代譯稱提
謂波利此蓋婆羅門楚夏耶未知孰是斯經二商主名非深失)。二商主邊。受
於麩酪蜜和之搏。慈愍故受。如法而食。

食已即告彼二商主及諸人言。汝商主等。來從我受歸依佛歸依法歸依僧。
復受五戒。當令汝等長夜安樂獲大善利。

其二商主。及諸眷屬。聞佛語已。即共白言。如佛聖教。我等不違。即便
共受三自歸依。彼二商主。於人世間。最初而得三歸五戒優婆塞名。所謂
帝梨富娑二商主等。爾時世尊以二商主生隨喜故。而說偈言。

所施色味具足圓	受已方便離煩惱	其中雜和多種物	是故名為麩酪漿
噉訖身體潤澤光	面色輝花容貌顯	氣力充實而得益	除飢渴惱心獲安
如是漿施佛世尊	令諸梵行得飽滿	我今所受已食足	是二商主奉麩搏
日種甘蔗族所生	讚嘆是人為最上	以此布施功德故	當到聖智極果中
復得盡於諸漏邊	以因如是業行故	後更轉轉無恐怖	漸得脫於諸有纏
既入無漏得清涼	譬如良田善平正	種子穀苗悉皆好	風雨潤澤復隨時
禾稼成長自豐饒	如是皆由多種子	生已漸漸增茂盛	諸穀充溢倍多加
所收之子不可量	亦如成就諸戒行	能廣布施眾飲食	後得果報難可論
以昔成利故使然	若人欲求於後利	望其轉得饒益果	唯有供養仁智尊
當成果報妙菩提	并得善逝世間解	自己得心多種利	復能向他作法饒
彼得自益利眾生	是故名為大智者	欲得自利利一切	欲得求道導世間
應於三寶佛法僧	發心當生正信行	以信心故得果報	廣大善達信行邊
即得戒行難思議	即得最勝無上道	布施能得此勝報	觀見世界真實如
又得道智滿足充	聖者能如是正見	彼得是見名正念	散諸垢結等塵勞
證得無畏大涅槃	解脫世間一切苦	如是具足一切法	諸聖讚歎此最尊
生老病死等既無	悲苦別離皆滅盡	十力世尊歎此樂	當得不生死處常

【世尊作吉祥願祝禱】

爾時帝梨富娑二商主等。及諸商人。共白佛言。世尊。我等諸人。今在道
路。唯願世尊。為我等故。作吉祥願。當令我等無有障礙速疾而至自所居
國。爾時世尊。為二商主及諸商人。作吉祥願。而說偈言。

願令二足大吉利 一切四足亦大安 行路至處多吉祥 所向諸方悉如意
晝夜行坐皆慶適 日中所在亦多宜 於一切處願從心 商主商人並康健

希望子故種田作 散子既竟望收多 一切商人求利行 入海艱難採珍寶
汝等承望故行路 願所規獲利速成 我今得道快喜歡 汝隨至方皆願吉
心所欲取一切利 如汝等願速稱心 行向經歷所至方 悉願無有諸障礙

【二商主求記念物懷念用】

爾時商主。同白佛言。世尊。願乞我等一物作念。若到本鄉。不見世尊。當以彼物作塔。禮拜以表憶念大聖世尊。我等諸人。供養尊重。盡今形壽。爾時世尊。即與諸商佛身髮爪以用作念。而告之言。汝等商主。此之髮爪。今持與汝。令汝作念。若見此物。與我無異。於後當更別有一石從空而下。至汝等處。汝等若見。當還起塔供養尊重。

【佛世尊賜髮甲舍利攜帶回緬甸】

爾時帝梨二商主等。從於佛邊。受髮爪已。作如是念。此之髮爪。乃是身上所棄之物。法非勝妙。不合尊重。無供養心。

爾時世尊。知彼一切商人心已。告彼等言。汝等商主。莫作是念。我憶往昔。無量無邊。不可計劫。有一世尊。出現於世。名曰然燈如來。多陀阿伽度阿羅呵三藐三佛陀善逝世間解無上士調御丈夫天人師佛世尊。我於彼時作一婆羅門摩那婆。具足解於四毘陀論。我於爾時。見彼世尊。入於一城。城名蓮花。我於彼時。以五莖青優鉢羅花。散彼佛上。即便發於菩提之心。時彼世尊。即授我記。汝摩那婆。於未來世。時節過數阿僧祇劫。當得作佛號釋迦牟尼多陀阿伽度阿羅呵三藐三佛陀。我時於彼世尊法中。捨離居家。剃除鬚髮。而便出家。我出家後。一切諸天。取於我髮。一髮即有十億諸天。作分將行。而共供養。從彼已來。我今得成阿耨多羅三藐三菩提。以佛眼觀彼等眾生。無一眾生各在佛邊而不皆得證涅槃者。我於彼時。既未免脫貪慾瞋癡。猶尚供養我之髮爪。無量眾生。千萬億數。而得涅槃。況復今日盡諸一切煩惱結惑貪慾恚癡。皆悉除滅。汝等何故不大尊重我此清淨無染髮爪。

爾時商主。及諸人等。聞於世尊說是往昔因緣之事。即於髮爪。生希有心。生大尊重恭敬之心。頭頂一心。禮世尊足。圍遶三匝。却步而行。有偈說言。

有眾商人諸方過 樹神發覺告彼言 此有自利得世尊 汝等頂禮布施食

【七七日始初次受食發病】

如是世尊。四十九日。不得飲食。既始於彼商人等邊。得於此食。世尊食後。往昔業力。忽然患腹。而不消化。

爾時山居有一藥神。將彼新出微妙甘美呵梨勒菓。往詣佛所。到佛所已。頂禮佛足。却住一面白言。世尊。若有患腹。此呵梨勒。最初新出微妙甘美。我今將來。奉上世尊。若佛知時。為我納受此呵梨勒。受當食噉。慈愍我故。世尊食此呵梨勒後。腹內有病。即得除愈。

【要神受三歸五戒】

爾時世尊。即便納取彼呵梨勒。為彼藥神。生慈愍故。受已即告彼藥神言。來汝藥神。歸依佛歸依法歸依僧。當受五戒。汝當長夜得作大利多得安樂。彼藥神聞佛此言已。即白佛言。善哉世尊。我不違佛。即受三歸并及五戒。當於彼時。一切藥神諸女天中。以再過受三自歸依并及五戒。最初為首作優婆夷。所謂大藥神圍遶彼所居山女天藥神。

爾時世尊。從彼藥神女天。受其所奉呵梨勒果即便噉食。食已取核。於彼地方。即便種彼呵梨勒核。以佛威神自在力故。即日即生。即成根莖。枝條大樹。即出葉花。果實成熟。世尊腹內病即除愈。不復患苦。

【仰光佛陀髮舍利塔】

緬甸佛教史所記載，塔拉因(Talaing)出身之兩兄弟提謂(巴 Tapussa)、波利(巴 Bhalika)於佛陀成道之初，蒙受佛陀教化。其後，佛陀賜以佛髮八根，且囑咐其必置於保存過去三佛遺物之先哥多羅(Seingouttara)之山丘。兩兄弟歸國之後，經底斤(Deckina)等諸天之指示，乃確定山丘之位置。復藉國人之支援，而創建一塔以安置佛髮，此即該塔之濫觴。

其後，蒲甘王朝(849~1287)又累有增修，至庇古王頻耶宇(Binngau, 1353~1385 在位)於一三六二年重修之，高度由九公尺增至二十多公尺。至庇古女王信修浮(Shinsawbu, 1453~1472 在位)退位之後，又增修該塔，以黃金鑄造塔頂，周圍建築約十五公尺高之露臺，闊達二百七十餘公尺，護以石欄，安裝石磴，四周遍植棕櫚。至後代，復迭有增建。

該塔依山丘之自然地形而分築兩段，上段約五十公尺，每邊中央為階梯，下方置有巨獅子像一對。臺階上有屋蓋，其內之橫梁及板壁皆繪有佛傳、佛弟子傳、惡魔等圖像。上段中央建一大塔，旁有四佛殿、無數小塔、小佛屋、高柱(tagundaing)、鐘、墳墓等。全塔高約一一一公尺，塔身及傘蓋全飾以金箔，塔頂為黃金鑄造，飾以鑽石五千餘顆、寶石千餘顆，四周懸掛金鈴、銀鈴，夕照及月夜之下，尤為絢爛。四佛殿內皆置有巨型鍍金釋迦坐像，其周圍另有大小數百尊石膏及磚造、木造之釋迦立像、坐像、臥像。塔之西北角有一古鐘，重二十五噸，乃新固王於一七七八年鑄造，緬甸人視之為幸福之象徵。大塔南方有泰國國王為其人民所建之休憩所。該塔不僅為緬甸佛教中心，每年亦有無數朝禮者來自泰國、錫蘭、高棉等地。二次大戰中(一九四三年二月)該塔曾遭受轟炸。

【瑞穆陀大金塔】

現有緬甸佛舍利塔。位於緬甸勃生城內。九二七年印度締里德摩陀迦王建造。一二三八年迦婆娑王第三次整修時，傳說從斯里蘭卡請來佛像十尊、佛牙四顆及佛髮四根，供奉於塔內。塔內還有緬甸當時鑄造的四萬尊佛像，均為半尺身量，緬語「穆陀」即「半尺」意。塔周尚建有來此禮佛僧人所居的僧舍及齋亭等。此金塔是緬印文化交流的結晶。

此仰光大金塔係緬甸最大佛塔。即稱 **Shwedagon Pagoda**，通稱「瑞德光塔」，又稱瑞德宮佛塔、大金瓦寺。位於緬甸仰光（Rangoon）市北部之塔。

經云：爾時有五百商人，二人為主，一名跋陀羅斯那 bhadrasena，二名跋陀羅梨(bhadr ā l ī --小豆蔻)，行過曠野。時有天神，而語之言：『有如來·應供·正遍知·明行足·善逝·世間解·無上士·調御丈夫·天人師·佛·世尊，出興於世；最上福田，汝今宜應最前設供。』時彼商人，聞天語已，即答之曰：『善哉！如告。』又問天言：『世尊今者為在何許？』天又報言：『世尊不久當來至此。』於是如來，與無量諸天，前後導從，到多謂娑跋利村。時彼商人，既見如來威相莊嚴，又見諸天前後圍繞，倍生歡喜；即以蜜麩，而奉上佛。爾時世尊，心自思惟：『過去諸佛，用鉢多羅，而以盛食。』時四天王，知佛心念，各持一鉢，來至佛所，而以奉上。於是世尊，而自念言：『我今若受一王鉢者，餘王必當生於恨心。』即便普受四王之鉢，累置掌上，按令成一，使四際現。爾時世尊，即便呪願：『今所布施，欲令食者，得充氣力；當令施者，得色得力，得膽得喜；安快無病，終保年壽；諸善鬼神，恒隨守護；飯食布施，斷三毒根，將來當獲三堅法報；聰明智慧，篤信佛法；在在所生，正見不昧；現世之中，父母妻子，親戚眷屬，皆悉熾盛，無諸災怪不吉祥事；門族之中，若有命過墮惡道者，當令以今所施之福還生人天，不起邪見，增進功德；常得奉近，諸佛如來；得聞妙說，見諦得證，所願具足。』